

Молебный канон с акафистом



Преподобная  
Мария Египетская

### **Тропарь, глас 8**

**В** тебѣ, мѣти, извѣстно спасѣся, ѣже по образу:  
приимши бо крест, послѣдовала еси Христу и  
дѣючи учила еси презирати ўбо плоть, преходит  
бо, прилежа́ти же о души, вещи безсмертней.

Тѣмже и со Ангелы сра́дуется, преподобная  
Маріе, дух твой.

### **Кондак, глас 3**

**Б**лудами пер́вее преисполнена всяческими, Хри-  
сто́ва неvěста днесь покая́нием яви́ся, а́нгель-  
ское жи́тельство подража́ючи, де́мона креста  
ору́жием погубляет. Сего́ ра́ди Ца́рствия  
невѣста яви́лася еси́, Маріе  
пресла́вная.

**Молебный канон  
с акафистом  
преподобной  
Марии  
Египетской**

2-е издание



Издательство  
Сретенского монастыря  
2011

УДК 271.2-535.7

ББК 87.372

М 75

**Рекомендовано к публикации  
Издательским Советом  
Русской Православной Церкви**

ИС 11-111-1166

М 75      Молебный канон с акафистом преподобной Марии  
Египетской. — 2-е изд. — М. : Изд-во Сретенского мона-  
стыря, 2011. — 40 с.

ISBN 978-5-7533-0610-4

**"Scaning by svetoleg"**

**"Djvuing by DjVu-Master"**

ISBN 978-5-7533-0610-4

© Сретенский монастырь, 2007

## Молебен преподобной Марии Египетской

**Священник:** Благословѣн Бог наш всегда, ны́не и  
присно и во ве́ки веко́в.

**Лик:** Ами́нь. Царю́ Небе́сный, / Уте́шителю, Ду́ше  
Истины, / И́же вездѣ сый / и вся исполня́я, / Со-  
кро́вище благо́их / и жи́зни Подáтелю, / прииди  
и всели́ся в ны, / и очисти ны от вся́кия скве́рны, //  
и спаси́, Бла́же, ду́ши на́ша.

**Таже чтец:** Святы́й Бо́же, Святы́й Кре́пкий, Свя-  
ты́й Безсме́ртный, поми́луй нас, *трижды.*

Сла́ва Отцу́ и Сы́ну и Свято́му Ду́ху, и ны́не и при-  
сно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти  
грехи́ на́ша; Влады́ко, прости́ беззакония на́ша; Свя-  
ты́й, посети́ и исцели́ немо́щи на́ша, имене Твоего́  
ради́.

Го́споди, поми́луй, *трижды. Сла́ва, и ны́не.*

О́тче наш, И́же еси́ на небесе́х! Да святится́ имя  
Твое́, да придет Ца́рствие Твое́, да бу́дет во́ля Твоя́,  
яко на небеси́ и на земли́. Хлеб наш насущный  
даждь нам днесь; и оста́ви нам до́лги на́ша, якоже  
и мы оставля́ем должникóм на́шим; и не введи́ нас  
во искуше́ние, но изба́ви нас от лука́ваго.

**Возглас:** Яко Твое есть Царство, и сила, и слава, Отца и Сына и Святаго Духа, ныне и присно и во веки веков.

**Чтец:** Аминь. Господи, помилуй, (12). Слава, и ныне.

**Приидите, поклонимся Царю нашему Богу.**

**Приидите, поклонимся и припадём Христу, Царю нашему Богу.**

**Приидите, поклонимся и припадём Самому Христу, Царю и Богу нашему.**

### Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в тёмных, яко мёртвые века. И уны во мне дух мой, во мне смятёся сердце моё. Помянух дни древния, поучихся во всех делах Твоих, в творённых руку Твоею поучахся. Воздох к Тебе руке мой, душа моя яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся нисходящим в ров. Слышану сотвори мне заутра милость Твою, яко на Тя уповах. Скажи мне, Господи, путь, вонже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой благий наставит мя на землю праву. Имене Твоего ради, Господи, живиши мя, правдою Твоею изведёши от печали душу мою. И милостию Твоею потребиши

враги мой и погубиши вся стужающыя души моеѣ,  
яко аз раб Твой есмь.

**Слава, и ныне: Аллилуиа, трижды.**

**По гласу тропаря:**

**Бог Господь**, и явися нам, благословен грядый во  
имя Господне.

**Стих 1:** Исповедайтесь Господеву, яко благ, яко  
в век милость Его.

**Стих 2:** Обышедше обыдоша мя, и именем Господ-  
ним противляхся им.

**Стих 3:** Не умру, но жив буду, и повем дела Гос-  
подня.

**Стих 4:** Камень, егже небрегоша зиждущи, сей  
бысть во главу угла: от Господа бысть сей, и есть ди-  
вен во очесех наших.

### **Тропарь, глас 8**

**Слава:** В тебе, мати, известно спасеся, еже по обра-  
зу, / приемши бо крест, последовала еси Христу / и,  
деючи, учила еси презирати убо плоть, преходит  
бо, / прилежати же о души, вещи безсмертней. //  
Темже и со Ангелы радуется, преподобная Марие,  
дух твой.

**И ныне:** Иже нас ради рождeйся от Девы / и распя-  
тие претерпев, Благий, / испровергий смертию  
смерть / и воскресение явлей яко Бог, / не презри,  
яже создал еси рукою Твоею; / яви человеколюбие  
Твое, Милостиве, / приими рождшую Тя Богороди-  
цу, молящуюся за ны, // и спаси, Спасе наш, люди  
отчаянные.

## Псалом 50

**П**омилуй мя, Бóже, по велицей милости Твоей и по множеству щедрот Твоих очисти беззаконіе моё. Наипаче омый мя от беззаконія моего и от греха моего очисти мя; яко беззаконіе моё аз знаю, и грех мой предо мною есть вѣну. Тебѣ единому согрѣшихъ и лукавое предъ Тобою сотворихъ; яко да оправдишися во словесѣхъ Твоихъ, и победиши внегда судити Ти. Се бо, в беззаконіихъ зачатъ есмь, и во гресѣхъ роди мя мати моя. Се бо, истину возлюбилъ еси, безвѣстная и тайная премудрости Твоея явилъ ми еси. Окропиши мя иссопом, и очищуся; омыеши мя, и паче снѣга убелюся. Слуху моему даши радость и веселіе; возрадуются кости смиренныя. Отврати лице Твое от грех моихъ и вся беззаконія моя очисти. Сердце чисто созижди во мнѣ, Бóже, и духъ правъ обнови во утробѣ моей. Не отвержи мене отъ лица Твоего, и Духа Твоего Святаго не отыми отъ мене. Воздаждь ми радость спасенія Твоего, и Духомъ Владычнимъ утверди мя. Научу беззаконныя путемъ Твоимъ, и нечестивіи къ Тебѣ обратятся. Избави мя отъ кровей, Бóже, Бóже спасенія моего; возрадуется языкъ мой правдѣ Твоей. Господи, устне мои отверзеша, и уста моя возвестятъ хвалу Твою. Яко аще бы восхотѣлъ еси жертвы, далъ быхъ убо: всесожженія не благоволиши. Жертва Бóгу духъ сокрушенъ; сердце сокрушенно и смиренно Богъ не унижитъ. Ублажи, Господи, благоволеніемъ Твоимъ Сиона, и да созиждутся стѣны Иерусалимскія. Тогда благоволиши жертву правды, возношеніе и всесожегаемая; тогда возложатъ на олтарь Твой тельцы.



# Канон преподобной Марии Египетской

## Глас 4

### Песнь 1

**Ирмос:** Моря чёрмную пучину / невлажными стопами /  
древний пешешествовав Израиль, / крестообразными  
Моисеевыми руками // Амаликову силу в пустыни побе-  
дил есть.

**Припев:** Преподобная мати Марие, моли Бога  
о нас.

Скверну прегрешений очисти смиренные моей ду-  
ши, Твоею милостию, Христе, мглу и омрачение  
страстей отжени молитвами преподобных Твоея.

**Припев:** Преподобная мати Марие, моли Бога  
о нас.

Страстями плотскими осквернивши душевное бла-  
городие, воздержанием паки, о честная, твой ум  
просветила еси, тучами слез твоих душу уяснивши.

**Слава:** Египта страстей избегла еси, яко от греховна  
источника, и, фараона избавльшися лютаго осквер-  
нения, безстрастия ныне землю наследовала еси,  
и со Ангелы ликуеши присно.

**И ныне:** Зрящи Твоею икону, Владычице, Богоро-  
дительнице Чистая, и рождагоса Слова от Твоея  
пречистая, Дево, утробы, и поручницу Тя к Сему  
тепле просит преславная.

### Песнь 3

**Ирмос:** Веселится о Тебѣ Цѣрковь Твоя, Христѣ, зовущи: / Ты моя крѣпость, Господи, // и прибѣжище, и утверждѣние.

**Припев:** Преподобная мати Маріе, моли Бѣга о нас.

Возсмердѣшася душевныя и согнишася твоя раны, но истѣчником слез твоих сія омыла еси тѣпле.

**Припев:** Преподобная мати Маріе, моли Бѣга о нас.

Побеждѣни быша тобою дѣмонстии полцы, и страстная взыгранія слезами уранила еси.

**Слава:** Яко утренний облак и якоже капля, каплющи, была еси всем, проливающи воды покаянія спасительнаго.

**И ныне:** Тя Предстательницу, Чистая, и спасѣние, и крѣпость имущи, Креста святаго древу, честная, поклонися.

**Лик:** Моли Бѣга о нас, / преподобная мати Маріе, / яко мы усердно к тебѣ прибегаем, // скѣрой помощнице и молитвеннице о душах наших.

**Священник:** Помилуй нас, Бѣже, по велицей милости Твоей, молимтиса, услыши и помилуй.

**Лик:** Господи, помилуй, *трижды.*

**Священник:** Еще молимся о Великом Господине и отцѣ нашем Святѣйшем Патриархе Алексіи и всей во Христѣ братии нашей.

**Лик:** Господи, помилуй, *трижды.*

**Священник:** Ещё молимся за всю братию и за вся христианы.

**Лик:** Господи, помилуй, *трижды.*

**Возглас:** Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

### Кондак, глас 3

Блудами первее преисполнена всяческими, Христова невеста днесь покаянием явися, ангельское жительство подражаючи, демона креста оружием погубляет. Сего ради Царствия невеста явилася еси, Марие преславная.

### Седален, глас 8

**Слава:** Взыграния вся плотская обуздавши болезными постническими, мужественное показала еси души твоея мудрование, Креста бо возжелавши образ видети, себе, приснопамятная, миру распяла еси, отонудуже и к ревности жития непорочного усердно воздвигла еси себе, всеблаженная, Марие преславная. Моли Христа Бога грехов оставление подати чествующим любовию святую память твою.

**И ныне:** Яко Деву и едину в женах, Тя, без семени рождшую Бога плотию, вси ублажаем, роди человечести, Огнь бо вселися в Тя Божества, и яко Младенца млеко питавши Зиждителя и Господа. Тем, ангельский и человеческий род, достойно славим пресвятое рождество Твое и согласно вопием Ти:

моли Христа Бóга согрешений оставление даровати поклоняющимся верою пресвятому рождеству Твоему.

#### Песнь 4

**Ирмос:** Вознесена Тя видевши Церковь на Кресте, / Сólнце Праведное, / ста в чине своём, / достойно зываючи: // слава силе Твоей, Господи.

**Припев:** Преподобная мати Маріе, моли Бóга о нас.

Удалилася еси, бежавши, сущих в мире и сладких всех, едина же Единому чисто приобщилася еси крайним воздержанием и терпением дел твоих.

**Припев:** Преподобная мати Маріе, моли Бóга о нас.

Телесная движения и разжжения воздержанием поистине иссушила еси, отонудуже душу украсила еси, Маріе всеславная, Божественными видениями и дельми.

**Слава:** Добродетельною твоею силою, слезами и постом крайним, молитвою же и варом, зимою и наготою приютительница была еси Святаго Духа честно.

**И ныне:** К Твоей иконе прибегши, и из Тебе Рождённого, Маріе Дёво, Тобою ныне обрете жизнь безсмертную, в рай ликующи.

#### Песнь 5

**Ирмос:** Ты, Господи мой, свет в мир пришёл еси, / Свет Святыи, обращающий из мрачна неведения // верою воспеваящия Тя.

**Припев:** Преподобная мати Маріе, моли Бóга о нас.

Вслед Христá последовала еси́, раду́ючися, носящи крест свой на ра́ме, Маріе, и де́моны ура́нила еси́.

**Припев:** Преподобная мати Маріе, моли Бóга о нас.

Показа́ла еси́ нам покая́ния лечбу́, показа́ла еси́ и стезю́, веду́щую па́ки к жи́зни неги́блущей.

**Сла́ва:** Ты бу́ди ми, честна́я, засту́пница непобе́дима и изба́ви страсте́й мя, боле́зни же вся́кия мо́льба́ми твои́ми ко Го́споду.

**И ны́не:** На Твою́, Влады́чице Чи́стая, ико́ну зри́аше, Тебе́ всегда́ моля́щихся, страсте́й напа́дания, преподо́бная, посрамля́ше.

### Песнь 6

**Ирмос:** Пожру́ Ти со гла́сом хвале́ния, Го́споди, /  
Це́рковь вопи́ет Ти, / от бесо́вския кро́ве очи́щися /  
ра́ди ми́лости от ребр Твои́х // исте́кшею Кро́вию.

**Припев:** Преподобная мати Маріе, моли Бóга о нас.

По́том грехо́вную скве́рну омы́ла еси́, к нетле́нней же сла́ве твоёю мы́слию смотре́ючи, ны́не обре́ла еси́ благопло́дие боле́знем твои́м, сла́вная.

**Припев:** Преподобная мати Маріе, моли Бóга о нас.

Все́м грешни́ком, Маріе, жити́е твоё о́браз пока́зася, безме́рно согрешивши́м, в жити́й воста́ти и скве́рну очисти́ти слеза́ми.

**Сла́ва:** Уще́дри смире́нную мою́ ду́шу, Человеколю́бче, ю́же оскверни́х, де́я нечи́стая хоте́ния плоти́

моей, но Ты мя преподобныя молитвами помилуй.  
**И ныне:** Всєю твоєю душею и сердцем возлюбила еси от Девы рожденнаго Бога Слова, Живаго и воплощенна, глас тебе, преподобная, прине́сша.

**Лик:** Моли́ Бога о нас, / преподобная ма́ти Мари́е, / ꙗ́ко мы усердно к тебе прибега́ем, // ско́рой помо́щнице и моли́твеннице о душа́х на́ших.

**Священник:** Па́ки и па́ки ми́ром Го́споду помо́лимся.

**Лик:** Го́споди, помилуй.

**Священник:** Заступи́, спаси́, помилуй, и сохрани́ нас, Бо́же, Твоею благода́тию.

**Лик:** Го́споди, помилуй.

**Священник:** Пресвяту́ю, Пречи́стую, Препоблагослове́нную, сла́вную Влады́чицу нашу Богоро́дицу, и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христо́му Бо́гу предади́м.

**Лик:** Тебе́, Го́споди.

**Возглас:** Ты бо еси́ Царь ми́ра, и Спас душ на́ших, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прісно и во ве́ки веко́в.

**Лик:** Ами́нь.

## Акафист преподобной Марии Египетской

### Кондак 1

**И**збранной Бóгом от падшаго рóда пóдвигом тяжким стяжавшей вéлию сла́ву на небесí. Мы земно-рóднии смиреннó взыва́ем ти, святáя Мари́е, моли за нас Го́спода Бо́га, да исхíтит нас из рóва страстéй похвáльная ти воспéвающих: Рáдуйся, преподо́бная ма́ти Мари́е, А́нгелы пóдвигом своим удивíвшая.

**Лик:** Рáдуйся, преподо́бная ма́ти Мари́е, // А́нгелы пóдвигом своим удивíвшая.

### Икос 1

**А́**нгели изумéшася внеза́пной перемене́ в тебе́, преподо́бная ма́ти, как ты во еди́нем часé оста́вила еси́ ширóкий путь, ведúщий в па́губу и вступи́ла на узкую́ стезю́ спасéния. Приими́ от нас, Христóва уго́днице, радóстное сиé пéние:

**Рá**дуйся, Бóжию Ма́терь молившая, да удостóит припа́сть у Крестá;

**Рá**дуйся, Чíстую Дéву просívшая, да прощéния вы́молит у Христá.

**Рá**дуйся, Дéве Святéй обеща́вшая не возвратíтися на па́губный путь;

**Рá**дуйся, горькие слéзы лия́вшая на больнúю, преподо́бная, грудь.

**Рá**дуйся, я́ко Застúпницею скóро в молíтве была́ услы́шана ты;

**Р**áдуйся, я́ко в том же часе́ свобóдно моглá ко Кресту́ подойти́.

**Р**áдуйся, дрéво умíльно лобзáвшая, на нёмже распят был Христóс;

**Р**áдуйся, всем существóм трепетáвшая, потóки излившая слез.

**Р**áдуйся, тут же решéние приýвшая не возврати́тися вспять;

**Р**áдуйся, и́го Христóво и брéмя Его́ избрáвшая взяти́ себе́.

**Р**áдуйся, сим ты решéнием твёрдым во главú сатану́ порази́ла еси́;

**Р**áдуйся, я́ко об однóм решéнии рáдость вéлия бысть на небесí.

**Р**áдуйся, преподóбная ма́ти Мари́е, А́нгелы по́двигом своим удивíвшая.

**Лик:** **Р**áдуйся, преподóбная ма́ти Мари́е, // А́нгелы по́двигом своим удивíвшая.

### **Кондак 2**

**В**и́дя неизречénную любóвь к тебе́ Бóжией Ма́тери, преподóбная, я́ко по слéзной моли́тве твоёй сотвори́ в той же час невозбра́нный вход твой к Пречíстому Дрэву Креста́ в пра́здник честна́го его́ воздви́жения, и сподо́би облобызáти о́ное, ты же в рáдостном трéпете о мíлости Бóжией воспева́ла Емý: Аллилу́иа.

**Лик:** Аллилу́иа, *трижды.*

### **Икос 2**

**Р**áзумом и сёрдцем своим при́яла еси́, святáя Мари́е, неукло́нное решéние отны́не не возврати́-



тиса на путь страстѣй, в умиленіи сѣрдца молиши Пресвятую Дѣву Богородицу указати ти мѣсто спасенія и внезапу услышала еси тайнственный глас, указующий таковым мѣстом пустыню Иорданскую. Приими от нас, преподобная, похвалу сицевую:

**Рáдуйся**, благодарившая Застѣпницу міра за вход невозбранный ко Кресту;

**Рáдуйся**, Споручницей Дѣву избравшая отныне служить токмо Христу.

**Рáдуйся**, Чистую Дѣву молившая спасенія ти путь указати;

**Рáдуйся**, от иконы приѣмшая мѣстом подвига пустыню избрати.

**Рáдуйся**, в тот час отрешившая міра сего суету;

**Рáдуйся**, тут же на кораблицѣ отплывшая по Иорданову сторону ту.

**Рáдуйся**, в землі пустынной Божіей Матерью хранямая ты;

**Рáдуйся**, міром греховным незримая, избѣгшая его суеты.

**Рáдуйся**, яко навѣты діавола крестом отражавшая;

**Рáдуйся**, в подвиге тяжцем избранная, радовавшаяся со Христом.

**Рáдуйся**, страхи и глад терпѣвшая ради Него;

**Рáдуйся**, прелести міра презрѣвшая ради единого Христа.

**Рáдуйся**, преподобная мати Маріе, Ангелы подвигом своим удивившая.

**Лик:** **Рáдуйся**, преподобная мати Маріе, // Ангелы подвигом своим удивившая.

### Кондак 3

Си́лою свѣше укрепля́ема пребы́вала еси́ в пусты́не, преподо́бная ма́ти, по́мощию Го́спода храни́мая, вы́ну воспева́я Ему́: Аллилу́иа.

**Лик:** Аллилу́иа, *трижды.*

### Икос 3

Име́я войсти́ну ве́лие хоте́ти преподо́бный Зоси́ма ви́дети избра́нницу, Бо́жиею вы́соотою жити́я своего́ егѡ́ превозше́дшей, егда́ наступи́ша дни святы́я Че́тыредеса́тницы, оты́де в пусты́ню Заиорда́нскую и обре́те во́лею Бо́жиею тебе́, преподо́бная, ты же смире́ния ра́ди, не хотя́ще яви́тися лю́дем, прѣ́жде бежа́ла еси́ от него́, последѣ́ же умоле́на бы́ша преподо́бным удо́стоила еси́ егѡ́ бесе́ды с тобо́ю, не возгнуша́йся и на́шей бесе́ды смире́нныя, уго́днице Бо́жия, но приими́ похвалу́ сицеву́ю:

**Ра́дуйся,** в пусты́не покая́ние приноси́вшая;

**Ра́дуйся,** дни и но́чи в ней пла́кавшая.

**Ра́дуйся,** слеза́ми всю зе́млю ороси́вшая;

**Ра́дуйся,** дости́гшая небѣ́сной вы́соты.

**Ра́дуйся,** от смра́да житѣ́йскаго бежа́вшая;

**Ра́дуйся,** прите́кшая в пусты́нный по́кой.

**Ра́дуйся,** под но́шею крѣ́стною страда́вшая;

**Ра́дуйся,** я́ко всегда́ Госпо́дь с тобо́ю.

**Ра́дуйся,** за по́двиги Христо́м возвели́ченная;

**Ра́дуйся,** просла́вленная е́ще на землѣ.

**Ра́дуйся,** прозорли́востью от Го́спода отличи́ена;

**Ра́дуйся,** я́ко по и́мени Зоси́му назвала́ еси́.

**Ра́дуйся,** преподо́бная ма́ти Мари́е, А́нгелы по́двигом своимъ уди́вившая.

**Лик:** **Ра́дуйся,** преподо́бная ма́ти Мари́е, // А́нгелы по́двигом своимъ уди́вившая.

#### Кондак 4

Бурею священнаго ужаса объят бысть преподобный Зосима, яко ты николиже знавшая его по имени, умолиши рассказа́ти ему́ жити́е твоё дивное. Ты же, смиренная уго́днице, не утайла еси́ пред ним пре́жней своей грехо́вной жи́зни, да просла́вится в тебё Господь, ще́дро награжда́ющий ка́ющихся. Мы благодарим Созда́теля, моля́ще Его́, да не отринет Он и на́шего пока́яния, и в ра́достном упова́нии поём Ему́: Аллилу́иа.

*Лик: Аллилу́иа, трижды.*

#### Икос 4

Слы́шаше преподобный Зосима, ка́ко ты с му́жеством перенесла́ еси́ вся тя́жести пусты́ннаго жити́я в борьбё с искуше́ниями и диа́волом, удиви́шася и с умиле́нием к тебё взыва́ше:

**Ра́дуйся,** в пусты́не то́лько пита́вшая корёньями те́ло твоё;

**Ра́дуйся,** на Го́спода всю печа́ль возлага́вшая, да не поки́нет создáние Своё.

**Ра́дуйся,** мно́зех превозше́дшая в по́двизе тяж́цем своём;

**Ра́дуйся,** в рай за сие ты возше́дшая и увенча́на све́тым венце́м.

**Ра́дуйся,** Бо́жиим Ду́хом научёна в пусты́не Писáнию;

**Ра́дуйся,** Им Всеблагим, врученý ти дары́ свято́й красоты́.

**Ра́дуйся,** Ду́ха Свята́го сосúдом, Мари́е, сподоби́лась бы́ти;

**Ра́дуйся,** яко на пу́ти твоём трудо́м, стреми́лась для Го́спода пож́ити.

**Р**áдуйся, рúку на плуг положившая не возвратитися  
вспять;

**Р**áдуйся, всем существóм Христá полюбившая, при-  
йвшая Егó благодáть.

**Р**áдуйся, крíном в пустыне прекрásнейшим все жи-  
тиé ты цвелá;

**Р**áдуйся, смирénною, благоухáющею для Гóспода  
Бóга былá есí.

**Р**áдуйся, преподóбная мáти Марíе, Áнгелы пóдви-  
гом своим удивívшая.

**Лик:** **Р**áдуйся, преподóбная мáти Марíе, // Áнгелы  
пóдвигом своим удивívшая.

### **Кондак 5**

**Б**оготóчною крóвию искупívый ны, Гóсподи,  
не призвáл есí прáведныя, но грéшныя на покая́ние,  
сподóби и нас подража́ти жити́ю Твое́я угодни́цы  
Марíи, и во ве́ки благодарным се́рдцем славосло́ви-  
ти Тя райско́ю пéснею: Аллилу́иа.

**Лик:** Аллилу́иа, *трижды.*

### **Икос 5**

**В**íдев тя Зосíма, преподóбная, стоящую на воздýсе  
и молящуюся, трéпетом объят бысть недоумевáя,  
ка́ко в падéнии пребыва́ющей рáнее, челове́це, то-  
лицей благодáти сподóбися, умиленно возблагода-  
ря́ Гóспода и воспéша сйце:

**Р**áдуйся, свято́стью жи́зни достíгшая дáра предви́-  
дения;

**Р**áдуйся, монасты́рские та́йны раскры́вая пред  
Зосíмой своими усты́.

**Р**áдуйся, Áнгелом уподóбилась блиста́нием своéй  
чистоты́;

**Р**áдуйся, я́ко стоя́ти сподо́билась на возду́се, бла-  
же́нная.

**Р**áдуйся, пред Зо́симою стро́гия по́двиги скры́ла еси́;

**Р**áдуйся, с не́ба явле́ния мно́гия утайла еси́.

**Р**áдуйся, ра́ди свята́го спасе́ния храни́ла лишь  
в се́рдце своём;

**Р**áдуйся, Зо́сíme молча́ть повеле́вшая о себё до кон-  
чи́ны твоёй.

**Р**áдуйся, просла́вленной не восхоте́вшая быть на  
земли́ от люде́й;

**Р**áдуйся, я́ко со́рок семь лет неизве́стною пребыва́-  
ла в пусты́нном жити́и.

**Р**áдуйся, та́кожде со стези́ кресто́ной хотя́ще неве́до-  
мой всем отои́ти;

**Р**áдуйся, преподо́бная ма́ти Мари́е, А́нгелы по́дви-  
гом своим удиви́вшая.

**Лик:** **Р**áдуйся, преподо́бная ма́ти Мари́е, // А́нгелы  
по́двигом своим удиви́вшая.

### **Кондак 6**

**П**ропове́дуют А́нгели на небеси́ чу́дное твоё жити́е,  
блаже́нная пусты́ннице, я́ко ты в немощнём телеси́  
стяжа́ла ве́лию си́лу ду́ха и сокруши́ла еси́ ко́зни  
сатани́нския. Мы вку́пе со А́нгелы прославля́ем  
Го́спода, да́вшего тебе́ кре́пость Своёю благода́тию  
и поём Ему́: Аллилу́иа.

**Лик:** **Аллилу́иа, трижды.**

### **Икос 6**

**В**озсия́вше в ти, Бо́жия уго́днице, ве́ликая жа́жда вку-  
ша́ния Пречи́стых Христо́вых Та́ин, проси́ша Зо́симу  
я́витися в бу́дущее ле́то, в день свята́го Вели́каго

Четверга со Святы́ми Дара́ми на бе́рег ре́ки Иорда́на, да сподо́бишия ты се́го святе́йшаго Да́ра. Мы, прославля́я в тебѣ ре́вность тесне́йшаго соедине́ния с Го́сподом на́шим Иису́сом Христо́м, похва́льная ти зове́м:

**Ра́дуйся**, жа́ждою свято́ю томима́я причаще́ния ра́ди Святы́х Даро́в;

**Ра́дуйся**, в се́рдце твоём бысть храни́мая ко Го́споду Бо́гу любо́вь.

**Ра́дуйся**, всю себѣ ты уневе́стила, преподо́бная, Спа́су Христу́;

**Ра́дуйся**, кро́тость, смире́ние стяжа́вшая в а́нгельскую чистоту́.

**Ра́дуйся**, ско́ро с Зосимо́й прости́лася, же́но свято́й красо́ты;

**Ра́дуйся**, ту́тже от глаз его́ скры́лася, Мари́е, вглубь пусты́ни.

**Ра́дуйся**, в се́рдце Зоси́мы оста́вила умиле́ния восто́рг;

**Ра́дуйся**, ум се́го ста́рца напра́вила на размышле́нный пото́к.

**Ра́дуйся**, я́ко драгу́ю жемчу́жину, мысль о тебѣ он уне́с;

**Ра́дуйся**, я́ко весь путь до оби́тели омочѣн от ра́достных слез.

**Ра́дуйся**, я́ко до́лго в оча́х его́ ста́рческих о́браз твой чу́дный сто́ял;

**Ра́дуйся**, то́кмо чрез ле́то свидани́ем ста́рец се́бя утеша́л.

**Ра́дуйся**, преподо́бная ма́ти Мари́е, А́нгелы по́двигом своим удивив́шая.

**Лик:** Рáдуйся, преподóбная мáти Мари́е, // А́нгелы  
пóдвигом сво́им удивив́шая.

### Кондак 7

**Х**отя́ще соблю́сти у́ста́в святы́я оби́тели, отпу́сти́ша  
и́гумен и́ноцы сво́я на пóдвиг молча́ния и наивя́щей  
моли́твы в пу́стыни да́льния. Преподо́бный же Зо-  
си́ма не можа́ще отпра́виться боле́зни ра́ди, о не́йже  
предрека́ла е́му ты, свята́я Мари́е, с ра́достным тре́-  
петом ожида́вше Вели́каго Четверга́, в онь же день  
услóвия ра́ди, обеща́вши причаст́итися, преклоня́-  
шеся пред непости́жимыми сýдьями Бо́жиими вос-  
пе́ша Бо́гу: Аллилу́иа.

**Лик:** Аллилу́иа, *трижды.*

### Икос 7

**Н**óвым свяще́нным тре́петом объ́ята ду́ша пре-  
подóбнаго ста́рца, когда́ наста́ша вели́кий день со-  
верше́ния Та́йныя Ве́чери на́шим Го́сподом, взя́ше  
с собо́ю Святе́йшия Дары́, идо́ша на бе́рег реки́, свя-  
та́я, причаст́ити тя, ма́ти блаже́нная, мы вку́пе со  
святы́м ста́рцем благоговеем пред Го́сподом, иду́-  
щим к тебé в Та́йнах Свои́х Пречи́стых. И тебé, до-  
сто́йней неvéсте Сладча́йшаго Жени́ха, с любóвию  
ше́ствующей на брак А́гнчий, уми́льно взыва́ем:

**Рáдуйся,** я́ко святы́м иере́ем испо́лнена про́сьба твоя́;  
**Рáдуйся,** я́ко со Святы́ми Дара́ми прииде на бе́рег  
трепеща́.

**Рáдуйся,** я́ко в ночь стра́сти Христо́вой хотя́ще при-  
частни́цей бы́ти;

**Рáдуйся,** я́ко тех в страда́ниях уча́стница бу́деши на  
небеси́ с Ним жи́ти.

**Рáдуйся,** я́ко смути́ преподо́бнаго отсутствием до́лгой поро́й;

**Рáдуйся,** я́ко смущение подобная бысть твоя́ перепра́ва реко́й.

**Рáдуйся,** я́ко при сия́нии ме́сяца ты показáлася вдали́;

**Рáдуйся,** стопа́ми идущая к противополо́жному бе́регу реки́.

**Рáдуйся,** зна́мением крѣстнымъ спаси́тельнымъ Иорда́н осенила́ руко́й;

**Рáдуйся,** я́ко по су́ху, без вся́каго смущения́ пошла́ реко́й.

**Рáдуйся,** я́ко ви́дения ра́ди сего́ в стра́хе бысть иере́й;

**Рáдуйся,** я́ко егó ты успоко́ила рече́ю свято́й свое́й.

**Рáдуйся,** преподо́бная ма́ти Мари́е, А́нгелы по́двигом своимъ удиви́вшая.

**Лик:** **Рáдуйся,** преподо́бная ма́ти Мари́е, // А́нгелы по́двигом своимъ удиви́вшая.

### **Кондак 8**

**Стра́нницы и прише́льцы** вси есмь на земли́, по глаго́лу апо́стола, стра́нницей пребы́вала и ты в пусты́не свое́й до дне своего́ преставле́ния, а́гнице Христо́ва Мари́е, да от Иерусали́ма земна́го пересели́вшаяся в Иерусали́м Го́рний, славосло́вити Творцу́ свято́ю райскою пѣснею: Аллилу́иа.

**Лик:** Аллилу́иа, *трижды.*

### **Икос 8**

**Весь сла́дость,** все твоё жела́ние бысть Госпо́дь Иису́с, Егóже ты принима́ше с трѣпетомъ в Та́йнахъ



Пречи́стых из рук блаже́ннаго ста́рца. Мы, взира́я на тя, поисти́не на досто́йную прича́стницу сего́ свя́тейшаго Да́ра, с любо́вию тебѣ зовѣм:

**Ра́дуйся**, в Та́йнах Святы́х обруче́нная с Безсме́ртным твои́м Женихо́м;

**Ра́дуйся**, Им за сие́ украше́нная ра́йским нетле́нным венце́м.

**Ра́дуйся**, тя по прия́тию Бо́жих Даро́в окру́жи дивный свет;

**Ра́дуйся**, я́ко на тя не можа́ше Зоси́ма без стра́ха смотре́ти.

**Ра́дуйся**, с весе́лием ти́хим Симео́на моли́тву про́чла;

**Ра́дуйся**, взор свой умили́нный на руце́ к не́бу сейча́с вознесла́.

**Ра́дуйся**, пи́щи небе́сной вкуси́вшая, земно́й не хотя́ще приня́ти;

**Ра́дуйся**, дары́ любве́ у Зоси́мы зерна́ три реши́ла взя́ти.

**Ра́дуйся**, я́ко по́сле своего́ прича́стия недолго́ на бре́ге пребы́ла еси́;

**Ра́дуйся**, преподо́бная ма́ти Мари́е, А́нгелы по́двигом свои́м удиви́вшая.

**Лик:** **Ра́дуйся**, преподо́бная ма́ти Мари́е, // А́нгелы по́двигом свои́м удиви́вшая.

### Кондак 9

**В**сякий чин а́нгельский и челове́цы благословля́юще Го́спода, ка́ко Он соверша́ше си́лу в немощны́х лю́дех, укрепля́ше и тя, многопобе́дная уго́днице, в по́двизе своѣ́м пусты́ннем терпя́ще убо́ в обнаже́нном твоѣ́м телеси́ хлад и зной нестерпи́мый к тому́

же и страх, и глад и мно́гия злохитрыя искуше́ния от диавола. Ты же за тако́ую по́мощь от Го́спода вы́ну воспева́ла Емѹ: Аллилу́иа.

**Лик:** Аллилу́иа, *трижды.*

### Икос 9

**В**итийствующий язы́к не можа́ше изобрази́ти, яже твори́шися в ду́ше пра́веднаго Зо́симы по ухо́де твоём, тайнственная пусты́ннице, ты о́бразом своим, испо́лненным благода́ти Ду́ха Всесвята́го, вперила духо́вный взор ста́рца в размышле́ния го́рняя, ка́ко Бог пе́рстнаго челове́ка всемо́гуществом Своим подыма́ше до а́нгельския высоты́, приими́ вку́пе с Зо́симою смире́нную на́шу похвалу́:

**Ра́дуйся,** в ней же свой ум сохрани́вшая, не разсе́янными собла́зна страстьми́;

**Ра́дуйся,** я́ко тяготи́лася встре́чей с земны́ми людьми́.

**Ра́дуйся,** ско́ро в пусты́ню стреми́лася к бесе́де со А́нгелы ты;

**Ра́дуйся,** та́мо дни и но́чи моли́лася, незри́мая миром в тиши́.

**Ра́дуйся,** я́ко от всех удали́лася, спасе́ния ра́ди в глуши́;

**Ра́дуйся,** то́лько лишь звёзды небе́сныя бы́ша свидетели слез.

**Ра́дуйся,** в сии́ мину́ты чуде́сныя, с любóвию взира́л Сам Христо́с;

**Ра́дуйся,** я́ко Споручни́цу дивную ты весели́ла собой.

**Ра́дуйся,** по́мощию Ея́ си́льною в ве́чный дости́гла по́кой;

**Рáдуйся**, вновь Зосиму просившая, чрез лѣто в пустыню придти.

**Рáдуйся**, вновь его ожидавшая с надеждой тебе обрести;

**Рáдуйся**, преподобная мáти Маріе, Ангелы подвигом своим удивившая.

**Лик:** Рáдуйся, преподобная мáти Маріе, // Ангелы подвигом своим удивившая.

### **Кондак 10**

**С**пастися хотящим нам буди моли́твенницей у Престола Всевышняго, преподобная мáти, да и мы, избѣгши искушений всяческих, сподобимся вку́пе с тобо́й ви́ну славословити Го́спода и пѣти Ему́: Аллилу́иа.

**Лик:** Аллилу́иа, *трижды.*

### **Икос 10**

**С**тена́ еси́ всем подвижникам, Пресвятáя Богородице, от злохитрых ко́зней диáвола, спасла́ еси́ избравшую тебя́ Споручницей, пред Сы́ном сладчайшим Твоим, не посрами́ла еси́ ея́ упováния, Пречистая, и довела́ до вожделѣнных врат рая. Сподоби нас грѣшных достойно восхвалити святую уго́дницу твою́ Марию песнопѣніями сими́:

**Рáдуйся**, я́ко со трѣпетом радостным ожида́вше Зосима тебя́;

**Рáдуйся**, сей мы́слею сла́достной он утешáл себя́.

**Рáдуйся**, я́ко в поста́ дни вели́кие, он в пустыню с любовью ушѣл;

**Рáдуйся**, я́ко до мѣста свидáния, двáдцать дней все́го шѣствовал он.



**Рáдуйся,** я́ко в смущéнии го́рестном, ста́рец иска́ше теб́я;

**Рáдуйся,** я́ко волне́ний испо́лненный, ста́рец не по́мнил себ́я.

**Рáдуйся,** я́ко на песце́ озаре́нную свéтом небéс, теб́я он обрéл;

**Рáдуйся,** с ми́ром ты сим разлучéнная, в вéчный отъи́де поко́й.

**Рáдуйся,** с го́рьким рыда́нием ста́рец над тéлом склони́лся твои́м;

**Рáдуйся,** я́ко не ве́рил Зоси́ма очáм престаре́лым свои́м.

**Рáдуйся,** я́ко ты уже́ давнó пресели́лася в дивный небéсный черто́г;

**Рáдуйся,** вéчно тепе́рь весели́шися, ушла́ от скорбе́й и трево́г.

**Рáдуйся,** преподо́бная ма́ти Мари́е, А́нгелы по́двигом свои́м удивив́шая.

**Лик:** **Рáдуйся,** преподо́бная ма́ти Мари́е, // А́нгелы по́двигом свои́м удивив́шая.

### **Кондак 11**

Пе́нием а́нгельским восхваля́ема и со́нмом их окру́женная, вознесе́ся душа́ тво́я пра́ведная ко Престо́лу Всевы́шняго во гласе ра́дования воспева́ти Го́спода богокра́сною пе́снею: Аллилу́иа.

**Лик:** Аллилу́иа, *трижды.*

### **Икос 11**

Святы́м Ду́хом Бо́жиим озаре́нный бысть лик твой преподо́бный, ста́рец же Зоси́ма в ве́лие смущéние прии́де, я́ко не уве́де и́мени твоего́, блаже́нная, áбие

узрэ на́дпись у главы твоея начертáнную бысть на землѣ:

**Рáдуйся,** я́ко увѣде Зосі́ма о преста́вленіи дни;

**Рáдуйся,** я́ко смире́нной Мари́ей на́званной была́ ты в слова́х.

**Рáдуйся,** я́ко преста́вилась Бо́гу ещё́ ле́то про́шлое ты;

**Рáдуйся,** в день своего́ свята́го прича́стия сподо́билась отойти́.

**Рáдуйся,** вдруг из пусты́ни сей жгучей к стра́ху два льва подошли́;

**Рáдуйся,** я́ко нога́ми могу́чими вы́рыв моги́лу, ушли́.

**Рáдуйся,** я́ко с моли́твой горя́чей преда́л землѣ он твой прах;

**Рáдуйся,** я́ко до́лго стоя́л над моги́лою ста́рец в уми́льных слеза́х.

**Рáдуйся,** тихо́ уста́ми дрожа́щими ста́рец моли́тву соверша́л;

**Рáдуйся,** в су́дбах Непости́жимаго с любóвию он прославля́л.

**Рáдуйся,** преподо́бная ма́ти Мари́е, А́нгелы по́двигом своимъ удиви́вшая.

**Лик:** **Рáдуйся,** преподо́бная ма́ти Мари́е, // А́нгелы по́двигом своимъ удиви́вшая.

### **Кондак 12**

**Благода́ть испроси́ нам у Бо́га, чи́стая Христо́ва не-вѣста Мари́е, да поми́лует Он нас в день Стра́шнаго Суда́ Своего́ и да причислит к избра́нному Своему́ ста́ду, и да сподо́бит ви́ну воспева́ти Ему́: Аллилу́иа.**

**Лик:** Аллилу́иа, *трижды.*

## Икос 12

Поюще твоё покаяние, ему́же удиви́шася А́нгели на небеси́ и вси страда́ния тво́я безприме́рныя, их же не мо́жеша изобрази́ти не́кий язы́к челове́ческий с любви́ю и ра́достию ти вопи́ем:

**Ра́дуйся,** я́ко за плоть обнаже́нную ны́не чу́дною ри́зою покры́та в раю́;

**Ра́дуйся,** знóем в пусты́не сожже́нная, на небеси́ прохлáды вкуша́еши струю́.

**Ра́дуйся,** глад постоя́нный терпéвшая, ны́не в небе́ насы́щена хле́бом Христа́;

**Ра́дуйся,** вся́кия ско́рби понéсшая, ны́не в ра́дости глас произно́сят устá.

**Ра́дуйся,** я́ко в тяж́ей борьбé со диáволом пребы́вала семна́дцать ты лет;

**Ра́дуйся,** я́ко ты за побéду просла́влена, окру́жи́ ты за то дивный свет.

**Ра́дуйся,** я́ко премудра́я де́во не погаси́ла свети́льник свой;

**Ра́дуйся,** я́ко от Крестна́го Дре́ва неукло́нный ко спасе́нию по́двиг был твой.

**Ра́дуйся,** Де́ве Свято́й обеща́вшая, Ея́ по́мощию не сб́йться с пу́ти;

**Ра́дуйся,** мно́го в пусты́не страда́вшая, не попусти́ла в уклóн отойти́.

**Ра́дуйся,** з́намением крестным разру́шила ко́зни враго́в;

**Ра́дуйся,** я́ко ты ны́не вкуша́еши от Бо́жих щедро́т и даро́в.

**Ра́дуйся,** преподо́бная ма́ти Мари́е, А́нгелы по́двигом своимъ удиви́вшая.

**Лик:** Рáдуйся, преподóбная мáти Мари́е, // А́нгелы  
пóдвигом своим удивíвшая.

### Кондак 13

**О**, свята́я, всехва́льная и многопобéдная уго́днице  
Христо́ва, Мари́е, покая́ния о́браз преизя́щнейший!  
Мо́лим тя, испроси́ нам у Го́спода Бо́га си́лу Его́ бла-  
года́ти, загла́дити и нам тьму грехо́в на́ших, с сокру-  
ше́нными слеза́ми о них и да сподо́бимся в оби́тели  
покая́вшихся получи́ти утеше́ния вéчнаго по нелóж-  
ному обеща́нию, и с ли́ки а́нгельскими воспева́ти  
Пресвяту́ю Трóицу а́нгельскою пéснею: Аллилу́иа.

**Лик:** Аллилу́иа, *трижды.*

*Сей кондак глаголи трижды.*

### Икос 1

А́нгели изумéшася внеза́пной перемене́ в тебе́, пре-  
подóбная мáти, как ты во еди́нем часе́ оста́вила еси́  
широ́кий путь, веду́щий в па́губу и вступи́ла на ўз-  
кую стезю́ спасе́ния. Приими́ от нас, Христо́ва уго́д-  
нице, ра́достное си́е пéние:

**Рáдуйся**, Бо́жию Ма́терь моли́вшая, да удосто́бит  
припа́сть у Крестá;

**Рáдуйся**, Чи́стую Дéву проси́вшая, да прощéния вы-  
мо́лит у Христа́.

**Рáдуйся**, Дéве Святе́й обеща́вшая не возврати́ться  
на па́губный путь;

**Рáдуйся**, го́рькие слéзы лия́вшая на больну́ю, пре-  
подóбная, грудь.

**Рáдуйся**, я́ко Засту́пницею ско́ро в моли́тве была́ ус-  
лы́шана ты;

**Р**áдуйся, я́ко в том же часе́ свобóдно моглá ко Кресту́ подойти́.

**Р**áдуйся, дре́во уми́льно лобза́вшая, на нёмже распя́т был Христо́с;

**Р**áдуйся, всем существóм трепета́вшая, пото́ки излив́шая слез.

**Р**áдуйся, тут же решéние прия́вшая не возврати́тися вспять;

**Р**áдуйся, и́го Христо́во и брёмя Егó избра́вшая взя́ти себе́.

**Р**áдуйся, сим ты решéнием твёрдым во главу́ сатану́ порази́ла еси́;

**Р**áдуйся, я́ко об одно́м решéнии ра́дость véлия бысть на небеси́.

**Р**áдуйся, преподо́бная ма́ти Мари́е, А́нгелы по́двигом своим удиви́вшая.

**Лик:** **Р**áдуйся, преподо́бная ма́ти Мари́е, // А́нгелы по́двигом своим удиви́вшая.

### Кондак 1

**И**збра́нной Бо́гом от па́дшаго ро́да по́двигом тяж́ким стяжа́вшей véлию сла́ву на небеси́. Мы земно́роднии смире́нно зыва́ем ти, свята́я Мари́е, моли́ за нас Го́спода Бо́га, да исхитит нас из ро́ва страсте́й, похва́льная ти воспева́ющих:

**Р**áдуйся, преподо́бная ма́ти Мари́е, А́нгелы по́двигом своим удиви́вшая.

**Лик:** **Р**áдуйся, преподо́бная ма́ти Мари́е, // А́нгелы по́двигом своим удиви́вшая.

**Священник:** **В**о́нмем, премудро́сть, во́нмем. Проки́мен, **Глас 4**

**Д**ивен Бог во святы́х Свои́х, Бог Изра́илев.



**Лик:** Дівен Бог во святых Своих, Бог Израілев.

**Священник, стих:** В церквах благословіте Бога, Господа от источник Израілевых.

**Лик:** Дівен Бог во святых Своих, Бог Израілев.

**Священник:** Дівен Бог во святых Своих.

**Лик:** Бог Израілев.

**Священник:** Господу помолимся.

**Лик:** Господи, помилуй.

**Священник, возглас:** Яко свят еси, Боже наш, и во святых почиваеши, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

**Священник:** Всякое дыханіе да хвалит Господа.

**Лик:** Всякое дыханіе да хвалит Господа.

**Священник, стих:** Хвалите Бога во святых Его, хвалите Его во утвержении силы Его.

**Лик:** Всякое дыханіе да хвалит Господа.

**Священник:** Всякое дыханіе.

**Лик:** Да хвалит Господа.

**Священник:** И о сподобитися нам слышанию Святаго Евангелія, Господа Бога молим.

**Лик:** Господи, помилуй, *трижды.*

**Священник:** Премудрость, прости, услышим Святаго Евангелія. Мир всем.

**Лик:** И духови твоему.

**Священник:** От Луки Святаго Евангелия чтѣние.

**Лик:** Слава Тебѣ, Господи, слава Тебѣ.

**Священник:** Вѣнцемъ.

*(Евангеліе отъ Луки 7, 36–50)*

**Во** время оно, моляше Иисуса некий от фарисей, дабы ял с ним: и вшед в дом фарисеев, возлеже. И се жена во граде, яже бе грешница, и уведевши, яко возлежит во храmine фарисеове, принесе алавастр мира, И ставши при ногу Его создай, плачущися, начат умывати нозе Его слезами, и власы главы своея отираше, и облобызаше нозе Его, и мазаше миром. Видев же фарисей воззавый Его, рече в себе, глаголя: Сей аще бы был пророк, ведел бы, кто, и какова жена прикасается Ему: яко грешница есть. И отвещав Иисус рече к нему: Симоне, имаю ти нечто рещи. Он же рече: Учителю, рцы. Иисус же рече: два должника беста заимодавцу некоему: един бе должен пятисот динарий, другой же пятидесять. Не имущема же има воздати, обама отда. Который убо ею, рцы, паче возлюбит его; Отвещав же Симон рече: мною, яко ему же вящше отда. Он же рече ему: право судил еси. И обращя к женѣ, Симонови рече: видиши ли сию жену; внидох в дом твой, воды на нозе Мои не дал еси: сия же слезами облия Ми нозе, и власы главы своея отре. Лобзания Ми не дал еси: сия же, отнели же внидох, не преста облобызаяуши Ми нозе. Маслом главы Моея не помазал еси: сия же миром помаза Ми нози. Егоже ради, глаголю ти: отпускаются греси ея мнози, яко возлюбила много: а ему же мало оставляется, меньше любит. Рече же ей: отпускаются тебѣ гре-

сѣ. И нача́ша возлежа́щии с Ним глаго́лати в себѣ:  
Кто сей е́сть, И́же и грехѣ́ отпу́щает; Рече́ же к женѣ:  
вѣра твоя́ спасе́ тя: иди́ в ми́ре.

**Лик:** Сла́ва Тебе́, Го́споди, сла́ва Тебе́.

Сла́ва Отцу́ и Сы́ну и Свято́му Ду́ху.

Моли́твами преподо́бных ма́тере на́шея Мари́и, /  
Ми́лостиве, очи́сти // мно́жества согреше́ний на́ших.

**И** ны́не и прѣ́сно и во ве́ки веко́в. Ами́нь.

Моли́твами Богоро́дицы, / Ми́лостиве, очи́сти //  
мно́жества согреше́ний на́ших.

Помѣ́луй мя, Бо́же, / по вели́цей ми́лости Твое́й /  
и по мно́жеству щедро́т Твои́х // очи́сти беззакѣ́нныя  
моѣ́.

**Чтецъ:** В пусты́ню всели́вшись твои́х страсте́й обра́-  
зы от ду́ши отъя́ла еси́, богови́днейшее изображе́-  
ние в ду́ши написа́вши, добродѣ́телей ви́ды и то́ли-  
ко проси́яла, я́ко и вода́ми легко́ преходи́ти,  
блаже́нная, и от земли́ взима́тися в твои́х к Бо́гу мо-  
ле́ниях: и ны́не в дерзнове́нии, всесла́вная Мари́е,  
Христу́ предстоя́щи, моли́ся о ду́шах на́ших.

## Песнь 7

**Ирмосъ:** В пе́щи Авраа́мстии о́троцы персѣ́дстей, / лю-  
бо́вию благоче́стия па́че, / неже́ли пла́менем опаля́еми,  
звѣ́стаху: // благослове́н еси́ в хра́ме сла́вы Твое́й, Го́спо-  
ди.

**Припевъ:** Преподо́бная ма́ти Мари́е, моли́ Бо́га  
о нас.

Ско́рбную и те́сную шѣ́ствовавши стезю́ я́ве, доб-  
ро́тою добродѣ́телей уясни́вши ду́шу, Небе́сную

достігла есі жизнь некончаемую, идеже Свет без-  
конечный есть Христос.

**Прпес:** Преподобная мати Маріе, моли Бóга  
о нас.

Яже в міре поправши временная вся, ныне ликуеши  
со всіми воинствы ангельскими, воспевающи: бла-  
гословен еси в храме славы Твоея, Господи.

**Слава:** Коварства вражия и орудия оскудеша вся  
крепким постом и молитвою твоєю, преподобная,  
и слезами, и ныне убо отгонятся и страстей на-  
стояния, Маріе честная.

**И ныне:** Неискусобратно яже Бóга безплотна по-  
рождши воистину и Дева пребывши поистине,  
Твоею силою, Всечестная, отгнала еси страстей  
и демонов воинства.

### Песнь 8

**Ирмос:** Руце распротер, Даниил / львов зияния в рове  
затче: / огненную же силу угасиша, / добродетелию пре-  
поясавшися, / благочестия рачители отроцы, вызы-  
ваяюще: // благословите, вся дела Господня, Господа.

**Прпес:** Преподобная мати Маріе, моли Бóга  
о нас.

Весь сиянием добродетелей озаривши ум, Маріе  
славная, Бóгу беседовавши, плоть бо истнивши постом  
многим и помыслом благочестивым, пела еси, радую-  
щися: благословите, вся дела Господня, Господа.

**Прпес:** Преподобная мати Маріе, моли Бóга  
о нас.

Крестá знаменіем себе оградивши, Иорданскія но-  
гами немокренными твоими воды преплывши, Маріе,

вѣрно и Небѣснаго Христá, Тѣлу и Крѡви Егѡ, причащшися, – ны́не отпуща́еши рабу́ Твою́, – рекла́ еси́.

**Сла́ва:** Священникъ божественный Зосима, тайнникъ благодáти, быстрину́ я́ко ви́де тя Иорда́нскую, сла́вная, прешѣдшу немѡкранными нога́ми, стра́хом и трѣпетомъ одержи́мъ быв, ра́дуясь, по́яше: благослови́те, вся де́ла Господ́ня, Го́спода.

**И ны́не:** Тобо́ю, Пренесквѣрная, тлю и сквѣрну всю оттрясе́, и облече́ся, Влады́чице, в ри́зу безсме́ртну, и Тобо́ю Твоему́ Сы́ну преподо́бная вопи́яше: благослови́те, вся де́ла Господ́ня, Го́спода.

### Песнь 9

**Ирмос:** Ка́мень неруко́сѣчный / от несекѡ́мыя горы́, Тебѣ́, Дѣво, / краеуго́льный отсече́ся, / Христѡ́с, совокупи́вый разстоя́щаяся естества́, // тем, веселя́щаяся, Тя, Бого́родице, велича́ем.

**Припев:** Преподо́бная ма́ти Мари́е, моли́ Бо́га о нас.

Ны́не нетле́нною и божественною вои́стину пи́щею насыща́ема и Свѣ́том наслажда́ющихся мы́сленным и Невече́рным в небе́сныхъ се́лехъ, иде́же а́нгельстии чѣ́ни о нас Бо́га мо́лят.

**Припев:** Преподо́бная ма́ти Мари́е, моли́ Бо́га о нас.

Сла́вы теку́щая и тле́нная же возгнуша́вшись, Мари́е, сла́ву и жизнь насле́довала еси́ блаже́нную. Христá моли́ о соверша́ющих твою́ все́вятую́ па́мьять всегдá.

**Сла́ва:** Ви́ждь мою́ скорбь, преподо́бная, и стена́ние се́рдца, ви́ждь тесноту́ жи́зни мое́я, спаси́ мя от

грехá моего и дýшу мою ущéдри твоими ходáтайствами ко Гóсподу.

**И ны́не:** Влады́чице Чы́стая Богоро́дице, грéшников спасéние, приими́ молю́бу сию́, избáви мя от грех моих, Твоему́ Сы́ну прибега́юща, моли́твами преподо́бных Твоея́.

**Лик:** Достóйно есть я́ко вои́стину / блажи́ти Тя Богоро́дицу, / Присноблаже́нную и Пренепоро́чную / и Ма́терь Бо́га на́шего. / Честне́йшую Херуви́м / и сла́внейшую без сравне́ния Серафи́м, / без исле́ния Бо́га Сло́ва ро́ждшую, // сýщую Богоро́дицу Тя велича́ем.

**Чтец:** Святы́й Бо́же, Святы́й Кре́пкий, Святы́й Безсме́ртный, поми́луй нас, *трижды.*

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Пресвята́я Трóице, поми́луй нас; Гóсподи, очисти́ грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Гóсподи, поми́луй, *трижды. Сла́ва, и ны́не.*

О́тче наш, И́же еси́ на небесе́х! Да святи́тся и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насýщный даждь нам днесь; и остави́ нам до́лги на́ша, я́коже и мы оставля́ем должникомó нашим; и не введи́ нас во искуше́ние, но избáви нас от лука́ваго.

**Возглас:** Я́ко Твое́ есть Ца́рство, и си́ла, и сла́ва, Отца́ и Сы́на и Свята́го Ду́ха, ны́не и при́сно и во ве́ки веко́в.

**Лик:** Ами́нь.

### Тропарь, глас 8

**В** тебѣ, мѧти, извѣстно спасѣся, ѣже по образу, / при-  
имши бо крест, послѣдовала еси Христу / и, дѣючи,  
учила еси презирати ўбо плоть, преходит бо, / при-  
лежати же о души, вещи безсмѣртней. // Тѣмже и со  
Ангелы срадуется, преподобная Маріе, дух твой.

**Священник:** Помилуй нас, Бѣже, по велицей мило-  
сти Твоей, молимся, услыши и помилуй.

**Лик:** Господи, помилуй, *трижды.*

**Священник:** Еще молимся о Великом Господине  
и отце нашем Святейшем Патриархе Алексіи и всей  
во Христѣ брѧтии нашей.

**Лик:** Господи, помилуй, *трижды.*

**Священник:** Еще молимся о богохранимѣй странѣ  
нашей, о властѣх и воинстве ея, да тихое и безмолв-  
ное житіе проживѣм во всяком благочестии и чисто-  
тѣ.

**Лик:** Господи, помилуй, *трижды.*

**Священник:** Еще молимся о милости, жизни, мирѣ,  
здравии, спасѣнии, посещѣнии, прощѣнии и остав-  
леніи грехов рабов Бѣжиих, всечестнаго отца наше-  
го намѣстника архимандрита Тихона с брѧтѣй свя-  
тыя обители сей.

**Лик:** Господи, помилуй, *трижды.*

**Священник:** Еще молимся Тебѣ, Господу Бѣгу  
нашему, ѣже услышатся гласу молѣния нашего,  
и молитве, и помиловати рабов Твоих /имярек/  
благостию и щедрѣтами Твоими, и исполнити  
вся прошѣния их, и простѣти им вся согрѣшенія

во́льная и нево́льная: благоприя́тным же бы́ти мо́льба́м и ми́лостыня́м их пред Престо́лом Вла́дычества Твоего́, и покрýти их от враг ви́димых и неви́димых, от вся́кия напа́сти, бе́ды и ско́рби, и недýгов изба́вити, и пода́ти здра́вие с долгодёнством: рцем вси, Го́споди, услы́ши и поми́луй.

**Лик:** Го́споди, поми́луй, *трижды*.

**Священник:** При́зри, Влады́ко Человеколю́бче, ми́лостивным Ти о́ком на рабо́в Твоих /*имярек*/ и услы́ши моле́ния на́ша с ве́рою приноси́мая, я́ко Сам рекл еси́: вся ели́ка моля́щеся про́сите, ве́руйте, я́ко при́имете, и бу́дет вам, и па́ки: про́сите и да́тся вам: се́го ра́ди и мы, а́ще и недосто́йнии, упова́юще на ми́лость Твою́, про́сим: пода́ждь бла́гость Твою́, рабо́м Твои́м /*имярек*/ и испо́лни благáя желáния их, ми́рно же и ти́хо в здра́вии, и долгодёнствии вся дни их соблюди́: рцем вси, ско́ро услы́ши и ми́лостивно поми́луй.

**Лик:** Го́споди, поми́луй, *трижды*.

**Священник:** Е́ще мо́лимся о плодоно́сящих и добродёющих во святе́м и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя ми́лости.

**Лик:** Го́споди, поми́луй, *трижды*.

**Священник:** Е́ще мо́лимся Го́споду Бо́гу на́шему, о е́же услы́шати глас моле́ния нас грёшных, и поми́ловати рабо́в Своих /*имярек*/, и покрýти их от вся́кия ско́рби, бе́ды, гнёва и ну́жды, и от вся́кия бо́лезни душе́вныя и теле́сныя, дарова́ти же им здра́-



вие с долгодѣнствомъ, рцемъ вси, скорѣ услыши и милостивно помилуй.

**Лик:** Господи, помилуй, *трижды.*

**Священник:** Еще молимся, о еже сохранитися святей обители сей и всякому граду и странѣ от глада, губительства, труса, потопа, огня, меча, нашествия иноплемѣнниковъ, и междоусобныя брани: о еже милостиву и благоувѣтливу быти благому и человеколюбивому Богу нашему, отвратити всякий гневъ на ны движимый, и избавити ны от належащаго и праведнаго Своего прещенія, и помилovati ны.

**Лик:** Господи, помилуй, *трижды.*

**Священник:** Еще молимся, и о еже услышати Господу Богу гласъ моленія насъ грѣшныхъ, и помилovati насъ.

**Лик:** Господи, помилуй, *трижды.*

**Священник:** Услыши ны, Бже, Спасителю нашъ, упованіе всехъ концѣвъ земли, и сущихъ въ мори далече, и милостивъ, милостивъ буди, Владыко, о гресѣхъ нашихъ и помилуй ны: милостивъ бо и Человеколюбецъ Богъ еси, и Тебѣ славу возсылаемъ, Отцу и Сыну и Святому Духу, ныне и присно и во веки вековъ.

**Лик:** Аминь.

**Священник:** Ко преподобней матери нашей Маріи Египетстей со умилѣніемъ сердецъ нашихъ, преклоньше колѣна помолѣмся.

**Лик:** Преподобная мати Маріе, моли Бога о насъ.

## Молитва

**Священник:** Свята́я и вели́кая уго́днице Христо́ва Мари́е! А́нгелы удиви́вшая безприме́рным по́двигом своим. Мо́лим тя, блаже́нная, предсто́я ны́не у Престо́ла Всесвяты́я Тро́ицы, умоли́ Го́спода, обрѣ́тшая ве́лие дерзнове́ние пред Ним, да сподо́бит Он и нас подобно тебѣ́, пока́ются в тмочи́сленных согреше́ниях на́ших, и да прости́т нас, и да нака́зав ны зде по Своему́ человеколю́бию, не погуби́т и нас в бу́дущем ве́це. Моли́, свята́я Мари́е, Пресвяту́ю твою́ Спору́чницу, укрепившую тя в по́двизе твоёмъ тяж́цем, да укрепитъ Она́ и нас, Всесвята́я, все́ильною по́мощью Свое́ю, на семъ земно́мъ терни́стомъ путѣ́, и я́ко ты, облобыза́в с ве́рою и любóвию Всечестны́й Крестъ Христо́в, восприя́ла благода́ть Его́ все́ильную в борьбѣ́ со ди́аволомъ, ми́ромъ и плóтию и до́блестию разру́шила еси́ все ко́зни сатаны́, та́ко да сподобимся и мы, по́мощию Животворя́щаго Дре́ва Креста́ Господ́ня, разру́шить все прегра́ды греха́ к дости́жению Го́рняго Ца́рствія и, удосто́ившись ве́чныя жи́зни, вку́пе с тобо́ю вы́ну воспева́ти Пресвяту́ю Тро́ицу во Еди́немъ существѣ́ Отца́ и Сы́на и Свята́го Ду́ха во ве́ки веко́в.

**Лик:** Ами́нь.

**Священник:** Прему́дрость: Пресвята́я Богоро́дице, спаси́ нас.

**Лик:** Честне́йшую Херуви́м и сла́внейшую без сравне́ния Серафи́м, без исле́ния Бо́га Сло́ва ро́ждшую, су́щую Богоро́дицу Тя велича́ем.

**Священник:** Сла́ва Тебе́, Христе́ Бо́же, упова́ние  
на́ше, сла́ва Тебе́.

**Лик:** Сла́ва, и ны́не: Го́споди, поми́луй, *трижды*.  
Святе́йший Влады́ко, благослови́.

**Священник, отпуст:** Христо́с, и́стинный Бог наш,  
моли́твами Пречи́стия Своея́ Ма́тере, си́лою Чест-  
на́го и Животворя́щего Креста́, святы́х сла́вных  
и всехва́льных апо́стол, и́же во святы́х преподо́б-  
ныя ма́тере на́шей Мари́и Египетския, преподо́бных  
и богonóсных оте́ц на́ших, святы́х и пра́ведных Бо-  
гооте́ц Иоакима́ и Анны́ и всех святы́х, поми́луе́т  
и спасе́т нас, я́ко благ и Человеколю́бец.

**Лик:** Ами́нь.

### Величание

Ублажа́ем тя, / преподо́бная ма́ти Мари́е, / и чтим  
святу́ю па́мять твою́, / ты бо моли́ши за нас Христа́  
Бога́ нашего.



Формат 60х90/16 Тираж 10 000 экз. Объем 2,5 п.л.  
Подписано в печать 14.07.2011 г. Заказ 287  
Отпечатано с готовых диапозитивов в типографии  
Патриаршего издательско-полиграфического центра  
г. Сергиев Посад. Тел/факс (495) 721-15-23

Книжная торговля Сретенского монастыря (495) 928-8210  
Интернет-магазин: [www.sretenie.com](http://www.sretenie.com)  
Магазин «Сретение» (495) 623-8046



Издательство  
Сретенского монастыря